



Finnmárkku ođasreive

Ovdasiidu

ALMMUHUS 4 - Juovlamánnu 2025

Min bargoprográmma
2025 geasi 1

Min bargoprográmma
2025 geasi ja bohtosat 3

Eanet bargu
Finnmárkkus 4

Barggu čoahkkáigeassu
ja geaidnu viidásit 5

Kingsrose:s leat mii rápmásat das go čađahit vásttolaš minerálaohcama, seammás go mii doalahat rabas, čađačuovgi ja gudnejahtti oktavuodaid báikegottiiguin, berošteddjiiguin ja vuoigatvuođaoamasteddjiiguin dain guovlluin gos mii bargat. Mannan geasseáigodaga Finnmárkkus lei min fokus birasdeattuide ja buorre gulahallan ain guovddázis, ja dat váikkuhii sihke min plánaid ja bargguid čađaheapmái.

Dán jagáš prográmmas ledje viiddis fealtabarggut eanaš min liseansa guovlluin, ja ulbmil lei viiddidit min geologalaš ipmárdusa avádagas. Dát guoskkai erenoamážit Guovdageainnu-liseanssaide, gos historijálaččat lea leamaš unnán geologalaš diehtu gávdnamis. 2025 fealtabargu lei danne dehálaš lávki viidásat min geologalaš modeallaid ovdánahttimis ja válljemis guovlluid main lea potenciála viidásit ohcanbargguide.

Vuđolaš plána ráhkaduvvui ja dan vuodul mearriduvvui goas lei buoremus vuodjit ATV:ain ja goas girdit helikopteriin, dan seammás go mii geahččaleimmet geahpidit muosehuhttimiid bohccuide, sávzaide ja omiide ja maid ealgabivdii čavččabeallai. Fealtabargu čađahuvvui geassemánu rájes čakčamánu lohppii, ja dat dagai vejolažžan čađahit buot iskosiid ja sáddet iskosiid rivttes áigái nu ahte laboratorias besse iskat daid ovdal go jahki nogai. Oktanis fealtabargguin čađaheimmet guokte geofysihkalaš iskkadeami áimmus:

- Gravitašuvdnaikkadeapmi áimmus (AGG) čađahuvvui linnjain maid gaska lei 400 mehtera. Girdin dáhpuhuvai sullii beannot mánu manjel go lei plánejuvvon, danne go entreprenevra lei manjonan, ja vai ii muosehuhtán bohccuid mat ledje guovlluin. Girdimat gárvánedje čakčamánu álggus, muhto manjonemiid geažil girdojuvvui dušše 30 % plánejuvvon guovllus. Vaikko ii leat girdojuvvon nu viidát go plánejuvvui, de addet čohkkejuvvon dieđut dehálaš ipmárdusa ja leat dehálaččat boahttevaš ohcanbargguid plánemis.
- Goappašiid iskkademiid plániimet lagas ovtasbargguin vuoigatvuođalaččaiguin, vai garvit girdima boazoguohtonguvlluin, ja nu unnidit muosehuhttimiid hearkkes áigodagain.

Mii miedihit ahte muhtun doaimmat dagahedje gaskaboddosaš muosehuhttimiid, ja mii šállošit vejolaš váivvadásaid maid dat dagahedje. Nannet gulahallama, ja dan čielggasvuoda ja dávjodaga buorideapmi lea ain dehálaš vuoruhansuorgi midjiide.

Geasi barggut leat dál loahpahuvvon, ja mii illudat bohtosiid ja viidásat plánaid juohkimii go buot loahpalaš dieđut leat analyserejuvvon ja almmolaččat.







Dát kártnat čájeht guovlluid gos mii barggaimet fealtabargguid mannan geasi, ja fokusis ledje geologalaš kárten ja smávva geađgeiskkus barggut vai oažžut buoret ipmárdusa min konsešuvdnaguovlluid geologiijas.

Olles áigodaga lei mis lagas ovtasbargu orohagaiguin ja boandaiguin unnidan dihte muosehuhttimiid. Dat mielddisbuvttii earret eará garvit guovlluid gos bohccot, sávzzat ja šibihat leat, ja heivehit girdiruvttuid ovtasrádiid berošteddjiiguin ja vuoigatvuođalaččaiguin. Ovddeš ruovttoluotta dieđui vuođul, maid leat ožžon báikkálaš servvodagain de leat maid garván dakkár guovlluid gosa lottit monnejit ja guovlluid gos leat dehálaš eallinguovllut lottiide.

Min lahkoneapmi hábmejuvvo ain jotkkolaš gulahallamiin vuoigatvuođalaččaiguin ja berošteddjiiguin, ja mii leat geatnegahtton heivehit plánaideamet nu ahte unnidit váikkuhusaid olbmuide, ellide ja birrasii nu ollu go vejolaš.



Kártnat mat čájeht sihke gieddebargoguovlluid ja maid guovlluid gos girdiimet mannan geasi.



Min bargoprográmma 2025 geasi

Bargoguovllut:

2025 geasi čađaheimmet mii geofysihkalaš iskkademiid áimmus min liseansaguovlluin Porsággus, Kárášjogas ja Guovdageainnus. Dasa lassin čađaheimmet fealtabarggu Kárášjogas ja Porsággus masa helikopter lei doarjjan, ja fealtabarggu Guovdageainnus masa dárbbahaimmet ATV. Dáid doaimmaid ulbmilin lei nannet min geologalaš ipmárdusa dán guovllus ja čuovvulit daid gelddolaš gávdnamiid maid identifiseriimet árabut dán jagi.



Min fealtabagadalli Anders, dá gálisteamen.



Jasmin, okta min geologain, govve geađgeiskosa.



Geasseáigodaga elektromagnehtalaš iskan áimmus (EM) bohtosat:

Dán geasi mii čađaheimmet 13 065 linjá-km guhkkosaš EM-guorahallama Finnmarkku BHP-allianse-guovllus. Bohtosat identifiserejedje gávccii ođđa čoakkaldaga anomálad Kárášjoga davábealde, okta dain lea mearkkašahtti 800 mehtera guhkkosaš anomála Lavttevári lahka, lahka ovdalaš dieđihuvvon veaikki mas lea alla kvalitehta. Dát lea lassin dan guđa čoakkaldassii maid ovdal leat almmuhan Virdečohka guovllus. Gávdnosat ovdanbuktojuvvojedje ASX-almmuhusas, mii lea dat formálalaš márkandiedáhus maid fitnodagat addet Australian Securities Exchange áсахussii, juogadandihte mearkkašahtti tehnikkalaš dieđuid almmolašvuhtii.

2025 Fealtabargu:

Geasi fealtaprográmma ulbmil lei hukset eambbo dievaslaš geologalaš gova min konsešuvdnaguovlluin, erenoamážit guovlluin gos leat unnán historjjálaš dieđut. Váldooasit ledje:

Fealtabargu helikopteriin Kárášjogas ja Porsággus: Suoidnemánu ja čakčamánu gaska čađaheimmet mii helikopterdoarjagiin kártemiid välljejuvvon guovlluin Kárášjogas ja Guovdageainnus. Bargui gulai maid geađge ja eanan iskosiid váldin, vai buorebut ipmirdit báikkálaš geologiija. Helikopter geavahuvvui bargiid ja biergasiid fievrredeapmái boaittoal guovlluide gosa muđui ii livčče vejolaš dahje livččii beare guhkki vázzit. Dáinna vugiin beasai joavku čadahit buori kvalitehta dáfus geologalaš barggu. Buot girdin- ja seaivunbáikkit leat plánejuvvon ovttrasáđiid báikkálaš vuoigatvuodalaččaiquin ja berošteddjiiguin, hehtten dihte bohccuid, olbmuid ja omiid vuorjama.

Fealtabargu ATV:ain Guovdageainnus: Suoidnemánu ja čakčamánu gaska čađaheimmet fealtabargguid min liseansaguovlluin Guovdageainnus, báikkálaš entreprenevrra doarjagiin, gii fievrriedii geologaid ATV:ain feltii ja fas ruovttoluotta. Dáinna lágiin olaheimmet guovlluide gosa muđui livččii leamaš váttis beassat vácci. Báikkálaš gelbbolašvuotta ja rusttegat váikkuhedje sihkkaris, beaktis ja unnán váikkuhusaide doaimmaide prográmma bokte.

Elektromagnehtalaš guorahallan(EM): Helikoptera bokte EM-guorahallan linjjáid mielde maid gaska lea 200 mehtera čađahuvvui geassemánu gaskkamuttus suoidnemánnui. Dát bargu addá dárkilis dieđuid das makkár eatnama doallelašvuotta lea ja dat lea veahkkin čuovvumis ja mihttomearredidolaš doaimmain.

Gravitašuvdnaguorahallan áimmus (AGG): AGG-guorahallan álggahuvvui borgemánu loahpas ja loahpahuvvui árrat čakčamánu. Guorahallan álggahuvvui 1,5 mánu maŋnel go lei plánejuvvon, dan sivas go entreprenevra maŋŋonii. Girdimat gárvánedje čakčamánu álggus, muhto unnán áiggi geažil eat geargan girdit go 30 % guovllus.

Gávdnosiid čoahkkáigeassu:

2025 Geassedoaimmat leat dál loahpahuvvon, ja bohtosat leat dál gieđahallojuvvomin ja dulkajuovvomin. Ođđa ođasreive almmuhuvvo go buot dieđut leat gárvásat ja almmolaččat ASX-almmuhusas, mas mii čoahkkáigeassit deháleamos geologalaš gávdnosiid ja govvidit boahktevaš doaimmaid.





Áigelinjá mii čájeha Kibgsrosa bargguidd Finnmarkkus gaskkal geassemánu ja juovlamánu 2025:

Geassemánu	Suoidnemánu	Borgemánu	Čakčamánu	Golggotmánu	Skábmamánu	Juovlamánu
- Almmuheimmet ođasreivve. - Helikopteriin EM-guorahallamat álggahuvvo.	- Geologalaš kárten välljejuvvon guovlluin. - EM-guorahallamat helikopteriin gárvásat.	- Geologalaš kárten välljejuvvon guovlluin. - AGG-guorahallamat álggahuvvui.	- AGG-guorahallamat loahpahuvvui. - Geologalaš kárten loahpahuvvui. - Searvvaimet Energiija, Industriija ja birraárvosaš-konferánsii Čáhcesullos.	- Dieduid dulkon. - Searvvaimet FEM-konferánsii.	Dieduid dulkon.	- Dieduid dulkon. - Almmuheimmet ođasreivve.

Eambbo bargu Finnmarkkus



Kjell Magne ovdanbuktá FEM-konferánsas Levis.



Kjell Magne ovdanbuktá energiija, industriija ja birraárvosaškonferánsas Čáhcesullos.

Searvvaimet FEM-konferánsii: Dán čavčča searvvaimet FEM (Fennoscandian Exploration and Mining) konferánsii Levis, mii lea dehálaš deaivvadanbáiki davviriikkalaš ruvke- ja ohcanindustriijai. Kjell Magne muitalii movt mii bargat Finnmarkkus, mas fokus lea geologalaš ohcama ovttaštáhtit servodatberoštumiiguin, birasovddasvástádusain ja regionála konteavsttain. Presentašuvdna geasuhii olbmuid ja lei earálágan go earát prográmmas, mat ledje hui tehnikkalaččat ja geologalaččat guovdilaston. Min fáluhanbeavdi, man bargit ledje Kjell Magne Grønnli, Peter Dodds ja Grace Howe, geasuhii ollu gussiid buot ealáhusa ovddasteddjiin, earenomážit manjá ovdánbuktima. Doppe ledje ollu mávssolaš ságastallamat dan birra mo sáhtá čađahit ovddasvástideaddji ohcama davvin, ja konferánsa deattuhii man deahálaš lea váldit sosiála ja biraslaš vuhtiiváldima buot osiin ohcanbarggus.

Searvvaimet Energiija, industriija ja birraárvosaškonferánsii Čáhcesullos: Dán čavčča serve Anna Bolle, Kjell Magne Grønnli ja Roy Arthur Olsen energiija, industriija ja birraárvosaš konferánsii Čáhcesullos, man Finnmarkku fylkkagielda lágidi. Dilálašvuohta čohkkii ovddasteddjiid ollu ealáhusain digaštallat vejolašvuođaid, hástalusaid ja boahhteáiggi ovddideami Finnmarkkus. Midjiide lei konferánsa dehálaš dilálašvuohta gullat eambbo regionála iniciatiivvaid birra, Finnmarkku lassáneaddji vejolašvuođaid birra ja fylkkagielda guhkesáigge višuvnna birra regiovna várás. Mii beasaimet maid muitalit iežamet lahkonanvugiid birra ohcamiidda ja movt mii bargat Finnmarkkus, ja dat rabai vejolašvuođaid mávssolaš ságastallamiidda mielbargiiguin, mearriddedjiiguin ja eará berošteddjiiguin.

Báikkálaš gávppošeapmi ja bargonávccat

Nugo ovddit jagiid ge, de áigut mii ain positiivvalaččat váikkuhit min báikkálaš servodagaide Kárášjogas, Guovdageainnus ja Porsáγγgus. Nannet báikkálaš gávppošeami ja lasihit báikkálaš bálvusaid, gelbbolašvuođa ja bargofámu geavaheami lea dehálaš oassi dán barggus. Dákkár ovtasbargu ii dušše doarjjo báikkálaš doaimmaid, muhto veahkeha maid min čađat buoridit min doaimma regiovnnas.

Mannan geasi mii ovtasbargaimet ollu báikkálaš entreprenevraiguin, earret eará:

Kártenbargu ATV:ain Guovdageainnus:

Báikkálaš entreprenevra fievrridii min geologaid ATV:ain, mii dagai vejolažžan sihkkaris ja beaktillis beassama guovlluide maid muđui livččii leamaš váttis beassat. Láigoheimmet maid fatnasa ja fievrridanbálvusaid báikkálaš aktevrar Guovdageainnus vai sáhttit čađahit fealtabargguidd.

- Logistihkkafáldat helikopterdoaimmaide: Okta fitnodat Kárášjogas barggai koordineren- ja logistihkkabarggu min áibmofievrridaniskadeami oktavuodas.
- Seaivunbáikkit helikopteri: Kárášjoga ja Porsáγγgu ássit láigohedje iežaset eatnamiid seaivunbáikin, ja dat veahkehii čađahit doaimmaid dorvvolaš, geavatláš ja báikkálaččat heivehuvvon vuogi mielde.

Bures boahin min ođđa servodatoktavuhtii ja kantuvrra ásaheapmi Guovdageainnus: Golggotmánus álggii Roy Arthur Olsen min ođđa servodatoktavuhtan Guovdageainnus. Roy Arthur dovda bures guovllu báikkálašservodagaid, kultuvrralaš vieruid ja areálageavaheami, ja sus lea dehálaš rolla nannet gulahallama, buoridit diehtojuohtinjođu ja sihkkarastit ahte min doaimmat buorebut dávistit báikkálaš vuordámušaide ja dárbbuide. Dán čavčča rabaimet maid ođđa kantuvrra Guovdageainnus, nu lea mis sierra báikkálaš kantuvra ja báiki gos olbmot álkut sáhttet váldit oktavuodá minguin, jearrat gažaldagaid ja addit ruovttoluottadieđuid. Mii illudit joatkit rabas ja oinnolaš gulahallamin báikegottiiguin, ja nannet min gaskavuodaid Guovdageainnus ja muđui ge regiovnnas.





Ohcanbarggu čeahkkáigeassu

Min ohcanbarggu 2025:s lea leamaš okta daid viidámuš ohcamiin mii mis lea leamaš dássáži, mas leat leamaš sihke fealtabarggut, geofysihkalaš iskkadeamit áimmus ja ulbmillaš čuovvleapmi min liseanssain Guovdageainnus, Kárášjogas ja Porsáנגgus. Doaimmat leat nannen min geologalaš ipmárdusa guovllus ja dat jotket ja bagadallet veaike-, nihkkela- ja PGE-mineraliserema ohcama.

Mannan geasi fealtabarggu fokus lei kárten, geađgeiskosiid ja eananiskosiid čohkken, buoridan dihte geologalaš modeallaid ja árvvoštallan dihte guovllu potenciála. Fealtabargguid oktavuodas ledje helikopter ja ATV ávkkálaš vuojánat vai olahit guovlluide gosa muđui ii livčče leamaš vejolašvuohta beassat. Buohthalaga fealtabargguin leat min áibmojohtolatguorahallamat addán mávssolaš dieđuid, mat leat veahkehan min identifiseret ođđa guovlluid, gos sáhtta bargat eambbo. EM-iskkus mii čađahuvvui árat dán jagi, lea juo gávdnan mánga ođđa joavkku mas leat jodiheaddji anomalijat Kárášjoga davábealde, ja dat lea lassin daidda joavkkuide mat ovdalaččas leat gávdnon Virdnečohka guovllus. Nu leat gávdnan eambbo vuoruhuvvon guovlluid maid lea vejolaš čuovvolit.

Bohtosiid dulkon lea dál jođus, ja min konsuleanttat analyserejit dieđuid nu ahte mii sáhttit vuoruhit boahhtevaš bargoguovlluid. Mii illudit juogadit mannan geasi bohtosiid go dulkomat gárvvistuvvojit ja bohtosat almmuhuvvojit ASX bokte.

Geaidnu viidásit

Go mii ráhkkanisgoahtit barggu boahhte ceahkkái, de mii leat ain geatnegahtton nannet dan vuogi movt mii bargat Finnmárkkus. 2026:s áigut mii ain buoridit iežamet ángiruššama dan bokte ahte doalahit rabas gulahallama, lasihit čielggasvuoda gulahallamis ja sihkarastit ahte báikkálaš perspektiivvat ain leat guovddáži mearrádusproseassain. Mii áigut maid vuoruhit báikkálaš fitnodagaid ja doaimmaid geavaheami, ja searvat dehálaš regionála konferánssaide ja fágasemináraide gos mii beassat oahppat, juohkit iežamet lahkoneami ja váikkuhit govda digaštallamiidda ovddasvástideaddji ohcamii Árkttis.

Go dán jagi ohcanprográmma bohtosat leat ollásit dulkojuvvon, ja 2026 fealtabarggu plánen lea álggahuvvon, de mii illudit juogadit dáid gaskaboddosaš plánaid vuoigatvuodalaččaiguin ja berošteddjiiguin. Máhcaheamit leat dehálaččat min doaimmaid hábmemii, nu ahte ohcan ii váikkut negatiivvalaččat bohccuide, omiide dahje báikegottiide. Mii leat ain čatnasan ovtasbargat, heivehit min lahkoneami doppe gos lea dárbu, ja čađahit ohcama dakkár vugiin mii gudnejahtta olbmuid, eatnamiid ja birgenlági.



Váldde oktavuoda
minguin jus háliidat
eambbo dieđuid:
info@kingsrose.com
www.kingsrose.com

Ájastealli 3, 9520 **Kautokeino**
Fitnodatgeaidnu 17-19, 9730 **Karasjok**
Arnes, 338/270 - 8540 **Ballangen**

Čuovo min:
Kingsrose Norge
KingsroseFinnmark

